

**TADBIRKORLIK VA KICHIK BIZNES**

**Qurbanov Jo'rabek**

**Annotasiya.** *Ushbu maqolada tijorat banklari tomonidan kichik biznes va xususiy tadbirkorlikni kreditlashda yuzaga keladigan kamchiliklar va muammolar ularni bartaraf etishdagi tavsiya va takliflar borasida fikr yuritiladi.*

**Kalit so'zlar:** *bank ishi, mijoz, kichik biznes, tadbirkorlik, kichik firma, Jahon banki, bank krediti.*

**Аннотация.** В этой статье рассматриваются недостатки и проблемы, возникающие при кредитовании малого бизнеса и частного предпринимательства со стороны date or at banking, а также рекомендации и предложения по их устранению.

**Ключевые слова:** банковское дело, mijoux, малый бизнес, предпринимательство, небольшая фирма, банк Джона, банковский кредит.

**Abstract.** This article examines the shortcomings and problems that arise when lending to small businesses and private entrepreneurship from date or at banking, as well as recommendations and suggestions for their elimination.

**Keywords:** *banking, mijoux, small business, entrepreneurship, small firm, John's bank, bank loan.*

Har qanday mamlakat iqtisodiyoti rivojlanishining darajasi ayni shu mamlakatda tadbirkorlik qay darajada taraqqiy etganligidan dalolat berib turadi. Sir emaski, iqtisodiyotning jadal sur'atlar bilan rivojlanishi uning tarkibidagi kichik biznes va xususiy tadbirkorlik sub'ektlari ulushining ko'payib borishi bilan belgilanadi, kichik biznes va xususiy tadbirkorlik ulushining kun sayin ko'payib borishi esa, o'z navbatida, mamlakatda yaratilgan ishbilarmonlik muhitiga ko'p jihatdan bog'liq bo'ladi. Bugungi kunda mamlakatimizda kichik biznes va xususiy tadbirkorlikning mamlakat yalpi ichki mahsulotidagi ulushi 53,3 foizni tashkil etmoqda.

Xalqaro amaliyotda yirik moliya muassasasi hisoblangan Jahon banki tomonidan kichik va o'rta biznes sub'ektlarini kreditlash tizimini takomillashtirishga qaratilgan ishlar ko'lami yildan -yilga ko'payib bormoqda. Ushbu ishlar natijasida jahon amaliyotida, kichik va o'rta biznes sub'ektlarini kreditlash mexanizmlarini takomillashtirish, kreditlardan samarali foydalanish bilan bog'liq jihatlariga a'lovida e'tibor qaratilmoxda. Lekin, shunga qaramasdan banklar tomonidan kichik biznes sub'ektlariga xizmat ko'rsatish madaniyati va bank tizimiga bo'lgan ishonchini yanada

oshirishda bir qator muammo va kamchiliklar kuzatilmogda. Xususan, kreditlarni ajratish bo'yicha qarorlar qabul qilishda vakolatlarning haddan tashqari markazlashganligi bosh banklar va ularning filiallari o'rtasidagi javobgarlikning aniq chegaralanishiga to'sqinlik qilayotganligi, kredit buyurtmalarini ko'rib chiqishning murakkablashgan mexanizmlari kreditlarni tezkor olish imkoniyatini chegaralayotganligi, kichik biznesni kreditlashning dolzarb muammolari yuzasidan izlanishlar olib borish, xalqaro tajribani o'rganish va uni respublika bank xizmatlari bozorida qo'llash yuzasidan takliflar ishlab chiqish muhim omil hisoblanadi.

Kichik biznesni moliyalashtirish dasturi doirasida bank sizning e'tiboringizga biznes uchun keng ko'lAMDAGI kreditlarni taklif etadi.

Kreditlarimizning turlari biznesni rivojlantirish, uning raqobatbardoshligini ta'minlash bilan bog'liq bo'lgan istalgan masalalarni hal qilishga imkon beradi.

Kredit taqdim etish to'g'risidagi qaror qabul qilishda Ipoteka-bank mijozning haqiqiy holati to'g'risidagi ma'lumotlarga asoslanadi. Bunda e'tibor rasmiy ko'rsatkichlarga emas, balki moliyalashtirish nazarda tutilgan biznesning rivojlanish istiqbollariga qaratiladi.

Har bir shaxsga bo'lgan alohida yondashuv Ipoteka-bankka kichik biznes sub'ektlari uchun eng qulay shartlarda kreditlarni taklif qilishga imkon beradi.

Kreditdan foydalanganlik uchun foiz stavkasi bozor kon'yunkturasi va qarzdorning moliyaviy holatidan kelib chiqqan holda o'rnatiladi. Foizlar kredit qarzdorligining qolgan qismiga hisoblanadi, bu mijozlarga qo'shimcha xarajatlar amalga oshirmaslikka imkon beradi.

Kichik biznes korxonalari faoliyatining dastlabki bossichlarida moliyaviy resurslarga extiyoji yuqori bo'lmasada, ular rivojlanib faoliyatini kengaytirib borishi davomida ularda aylanma mablag'larni ko'paytirish, yangi texnika va texnologiyalarni joriy etish uchun investisiya resurslariga talab yuzaga keladi.

Zamonaviy iqtisodiyotda kichik biznes sub'ektlari erkin bozor munosabatlariga asoslangan xo'jalik yuritish tizimining muhim tarkibiy elementlaridan biri sifatida katta ahamiyat kasb etadi. Kichik biznes sub'ektlari tashqi va ichki muhitning o'zgaruvchan shart-sharoitlariga tez va oson moslasha olish qobiliyatiga ega. Bu xususiyat raqobat muhiti rivojlanishiga, iqtisodiy tizimni tuzilmaviy jihatdan qayta ko'rish jarayonlarini amalga oshirishga, innovasion texnologiyalarga asoslangan ishlab chiqarish tizimlarini rivojlantirishga turtki beradi.

Kichik biznes sub'ektlari ijtimoiy bandlik muammosini ijobiy hal etishga yordam berishi, jamiyatda ijtimoiy tanglikni kamaytirishga imkon berishini inobatga olsak, kichik biznes sub'ektlarini qo'llab-kuvvatlash borasida

amaldagi moliyalash mexanizmini takomillashtirish katta ahamiyatga ega. Mazkur mexanizmdan samarali foydalanish hisobiga mamlakatimizda faoliyat yurituvchi kichik biznes sub'ektlarining sonini oshirish mumkin. Bu mamlakatimizning jahon bozorlaridagi raqobatbardoshlik imkoniyatlarini kuchaytirishga va mavqeini oshirishga xizmat kiladi.

Kichik biznes sub'ektlarini rivojlantirishda bank sektorining alohida o'rni bor, chunki aynan banklar kichik biznes sub'ektlarining iqtisodiy faoliyati samarali kechishi uchun zarur bulgan moliyaviy xizmatlarni taklif etadi. Shu o'rinda ta'kidlab o'tmoqchimizki, bank sektori kichik biznes sub'ektlariga samarali yordam berishi uchun bir qator muammolarni hal etish kerak. Ayni vaqtida kichik biznes sub'ektlariga, ayniqsa endi faoliyat yuritishni boshlagan tadbirkorlik sub'ektlariga banklardan uzoq muddatli kredit olish anchagina murakkab, chunki ular olinadigan qarz evaziga garov sifatida taqdim etish uchun yetarlicha bo'lgan mol-mulkka ega emas. Bundan tashkari, kichik biznes sub'ektlarini moliyalashtirish tijorat banklari uchun tashkiliy harajatlari yuqori jarayon xisoblanadi.

Hozirgi kunda Respublikamizdagi barcha tijorat banklari o'z kredit va mikrokreditlari bilan kichik biznes va xususiy tadbirkorlik sub'yektlarini tashkil etish va ular faoliyatini yanada kengaytirishga o'z hissalarini qo'shib kelmoqdalar. Jumladan ATIB "Ipoteka bank" tomonidan 2022-yil davomida kichik biznes va xususiy tadbirkorlik subyektlariga ajratilgan mikrokreditlarning eng katta salmog'i aylanma mablag'larni to'ldirish uchun ajratilgan bo'lib, miqdori 122 mlrd. so'mga teng. Undan keyingi o'rinnarda qurilish va xizmat ko'rsatish hamda sanoat sohalariga ajratilgan kreditlar egallagan. ATB "Mikrokreditbank" misolida ko'radigan bo'lsak, kichik biznes va xususiy biznes sub'yektlariga ajratilgan jami kreditlar va mikrokreditlar nisbati quyida o'z aksini topgan: Mikrokredit qarz oluvchiga kredit ajratilayotgan loyihaning o'zini-o'zi qoplashi hisobga olingan holda aylanma mablag'larni to'ldirishga, qishloq xo'jaligi mahsulotlarini yetishtirishni tashkil etish uchun aylanma mablag'larni to'ldirishga beriladi.

Mikromoliyalash subyektlari banklar, mikrokredit tashkilotlari, lombardlar bo'lishi bilan birga, shulardan tijorat banklari mikrokreditlar ajratish bo'yicha yetakchilik qilib kelmoqda. Kreditlarni rasmiylashtirishda qarz oluvchi ariza bilan birgalikda bir qancha hujjatlar bilan bankka murojaat qiladi. Ariza 3 ish kuni davomida ko'rib chiqiladi. Undan so'ng majburiyatlarning bajarilishini ta'minlash maqsadida ta'minot turlaridan biri taqdim etiladi. Kredit hisobiga sotib olingan mulk ushbu kredit bo'yicha o'z qiymatining 80 foizi miqdorida garov narsasi bo'lib xizmat qilishi mumkin. Hujjatlar ko'rib chiqilib, kredit berish to'g'risida ijobiq qaror qabul qilinganda,

mijoz va bank o'rtasida kredit shartnomasi tuziladi va kreditning muddati, miqdori hamda foiz stavkasi belgilanadi. Shundan so'ng mijozga kredit hisobvarag'i ochilgan holda kreditlar naqd pul yoki naqd pulsiz shaklda shu hisobvaraqdan o'tkazib beriladi.

Bank tomonidan kichik tadbirkorlik sub'ektlarini qo'llab-quvvatlash uchun milliy valyutada kreditlar ajratiladi.

Yakka tartibdagi tadbirkorlar, mikrofirmalar, kichik korxonalar, dehqon va fermer xo'jaliklari hamda oilaviy korxonalar kreditlash ob'ektlari hisoblanadi.

Kreditlar qaytarishlik, to'lovlik, ta'minlanganlik, muddatlilik va maqsadli foydalanish shartlari asosida beriladi.

Kreditlar kreditlanayotgan tadbirning o'zini-o'zi qoplashini hisobga olgan holda quyidagi muddatlarga beriladi:

- qarz oluvchi o'z faoliyatini boshlashi uchun aylanma mablag'larni shakllantirish va investitsiya loyihasining texnik-iqtisodiy asoslanishini ishlab chiqishga - 12 oy muddatgacha;
- aylanma mablag'larni to'ldirishga - 18 oy muddatgacha;
- qishloq xo'jaligi mahsulotlarini etishtirishni tashkil etish uchun aylanma mablag'larni to'ldirishga - 24 oy muddatgacha.

Kreditlardan foydalanganlik uchun foiz stavkasi miqdori kredit shartnomasiga muvofiq belgilanadi.

Qarz oluvchi kredit olish uchun xizmat ko'rsatuvchi tijorat bankiga quyidagi asosiy hujjatlarni taqdim etadi:

- ariza;
- qarz oluvchining bank hisobvarag'iga pul tushumlari (pul oqimi) prognozi ko'rsatilgan biznes-reja;
- qarz oluvchining taqdim qilgan tegishli davlat soliq inspeksiyasiga oxirgi hisobot davri uchun buxgalteriya balansi (1-son shakl), 90 kundan ortiq muddatdagi qarzlarga doir solishtirish dalolatnomalari, moliyaviy natijalar to'g'risida hisobot (2-son shakl), yangi tashkil etilgan yuridik shaxslar hamda yakka tartibdagi tadbirkorlar, yuridik shaxs tashkil etmagan holda faoliyat yuritayotgan dehqon xo'jaliklari bundan mustasno;

Qarz oluvchi tomonidan majburiyatlarning bajarilishini ta'minlash maqsadida quyidagi ta'minot turlarini taqdim etadi:

- mol-mulk va qimmatli qog'ozlar garovi;
- tijorat banki yoki sug'urta kompaniyasining kafolati;
- uchinchi shaxs kafilligi;
- qarz oluvchi tomonidan olingan kreditni qaytarmaslik xatarining tijorat banki foydasiga sug'urta qilinganligi to'g'risidagi sug'urta polisi;

- ta'minotning qonun hujjatlarida nazarda tutilgan boshqa turlari.

Kichik biznes sub'ektlarining muvaffaqiyatli rivojlanishi ko'p jihatdan xususiy tadbirkorlarning uzoq va nisbatan qisqa muddatlarda talab etiladigan moliyaviy resurslar bilan ta'minlanganlik darajasiga bog'liq. Xozirgi paytda mamlakatimiz kredit bozori institusional jihatdan rivojlanish bosqichida ekanligi, taklif etilishi mumkin bulgan moliyaviy instrument va xizmat turlarining cheklanganligi bilan harakterlanadi. Moliyaviy xizmatlar kursatish bilan shug'ullanuvchi nobank insti-tutlarining rivojlanmaganligini e'tiborga olsak, bu hol pirovardida Real iqtisodiyot sektorlarini etarli darajada moliyalashga tusqinlik qilmoqda.

Respublikamizda kichik biznes va xususiy tadbirkorlikni moliyalashning xozirgi bosqichida mavjud bulgan kuyidagi muammolarni sanab o'tishimiz mumkin:

- kichik biznes sub'ektlarini kreditlash mexanizmlarining etarlicha samarador emas-ligi;
- kichik biznes sub'ektlarining riskla-rini suturtalash mexanizmlarining yaxshi rivojlanmaganligi;
- o'zini-o'zi moliyalashtirish mexanizmlarining sust rivojlanganligi (buni kredit uyushmalari faoliyat yuritmasligi, jamoaviy investisiya jamtarmalari va boshka shu kabi tashkilotlarning rivojlanmaganligida xam kurish mumkin);
- kichik biznes sub'ektlari uchun kredit resurslaridan foydalanish shartlari nok,u-layligi;
- kreditlash jarayonida kredit riskini kamaytirish mexanizmlarining cheklangan-ligi;
- garovga kuyilishi mumkin buladigan mol-mulk etishmasligi sababli aksariyat kichik biznes sub'ektlarida investision, shu jumladan bank kredit resurslaridan foydalana olish imkoniyatlarining yo'qligi va boshqalar.

Moliya bozorlarida, xususan kredit xizmatlarini taqdim etish bozorida, bank tizimi tomonidan takdim etiladigan xizmatlarning yetarli darajada rivojlanmaganligining asosiy sabablari mutaxassislar tomonidan yuqori darajali risklarning mavjudligi xamda kredit oluvchilarda garovga ko'yilishi mumkin bo'ladigan mol-mulkning yo'qligi aloxida ta'kidlanmokda. Bu tabiiy, chunki ishlab chikarishda tezlikda realizasiya kilinishi mumkin bulgan asosiy fondlarni shakllantirish uchun kamida 5-10 yil davomida faoliyat yuritish talab eti-ladi.

N.Yamori (N.Yamori) Yaponiyada kichik biznes va tadbirkorlikni moliyalashtirishning davlat kredit kafolati tizimining axamiyatini tahlil kilgan. Moliyaviy institutlar kichik biznes sub'ektlariga kreditlarni rasmiylashtirishdan avval ulardan kredit kafolati fondi (KKF)ga (Credit

Guarantee Corporation) ariza bilan murojaat kilishni suraydilar. KKF ushbu murojaatga javoban kreditni kafolatlatlashini bildirsa shun-dan sung bank kreditni rasmiylashtiradi. Bunda kompaniya kredit foizidan tashkari Kkfga kafolat tulovlarini banklar orkali amalga oshiradi. Ushbu kompaniyalar bankrot xolatini e'lon kilgan takdirlarida kreditor bank zararini KKF tomonidan koplab berilishini suraydi. Yaponiya moliya korporasiyasi orkali tutridan tufri subsidiyalar, tulovlar va sufurta kilish bilan kullab-kuvvatlaydilar. Kredit kafolati tizimi kichik biznes sub'ektlarini kullash uchun tuzilgan bulib, kredit oluvchilar bir nechta jix,atlar, jumladan, biznesning kattaligi, tarmok sox,asi kabi talablarga javob berishlari kerak.

Yuqorida aytib o'tilgan fikr-mulohazalarni e'tiborga olib, kichik biznes sub'ekt-larining iqtisodiy rivojlanishiga turtki berish uchun bevosita emas, balki bilvosita rag'batlantirish uslublarini ishlab chiqishni taklif etmoqchimiz. Bilvosita rag'batlan-tirish uslublari haqida gap ketganida kichik biznes sub'ektlari tijorat banklaridan investision kreditlar olishi va kreditda davlat kafil sifatida ishtirok etishi mumkin. Davlat organlari bank xamda kreditlash tizimlari bilan o'zaro hamkorlikda chora-tadbirlar ishlab chiqishsa, pirovardida kichik biznes sub'ektlarining moliyaviy resurslar bilan ta'minlanish muammosini xal etishga muvaffaq bo'lishi mumkin bo'lardi.

Bir so'z bilan aytganda, tijorat banklari hamda kichik biznes sub'ektlarining kredit munosabatlari sohasida davlat kafolati instituti yaratilishi lozim. Kafolat instituti yaratilsa, mutasaddi davlat organlari milliy bank va kredit muassasalarini kichik biznes sub'ektlariga kredit ajratishga undashi mumkin buladi. Bu urinda, davlat uz zimmasiga kafillikni olib karz majburiyatlari doirasida kichik biznes sub'ektlarining iqtisodiy faoliyati uchun zarur investision mablatlarning jalb etilishiga sharoit yaratib beradi.

**FOYDALANILGAN ADABIYOTLAR:**

1. (Қарор, 2002) Ўзбекистон Республикаси Вазирлар махкамаси “Банкларнинг кредитлари бўйича қарздорлик ўз вақтида қайтарилимаган тақдирда ундирувни қарздорларнинг ликвидли мол·мулкига қаратиш” тартиби тўғрисидаги №422-сонли қарори.
2. (Низом 2012) Ўзбекистон Республикаси Марказий Банкининг “Кредит бюролари ва кредит бюроларига кредит ахборотини тақдим этувчи органлар ва ташкилотлар ўртасида кредит ахбороти алмашинуви тартиби тўғрисида” ги №2330 сонли низоми.
3. (Қарор, 2017й) Ўзбекистон Республикаси Президентининг “Республика банк тизимини янада ривожлантириш ва барқарорлигини ошириш чора тадбирлари тўғрисида” ги №3270-сонли қарори.
4. Абдуллаева (2017) “Кредит ва кредитлаш амалиёти”.-Т.: Иқтисод-молия, -Б. 225-228.[www.bfajournals.uz](http://www.bfajournals.uz). [www.cbu.uz](http://www.cbu.uz).